



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manuscriptis Codicibvs, Qvarvm permultæ antehàc nunquàm
in lucem prodière

Qvi ... Illas Omnes Complectitvr Historias, Qvæ Post Secvndam Sex
Tomorvm Editionem ...

Surius, Laurentius

Coloniae Agrippinae, 1586

VD16 ZV 1269

XIX.

[urn:nbn:de:hbz:466:1-77432](https://nbn-resolving.org/urn:nbn:de:hbz:466:1-77432)

MARTYRIVM SS. VRSICINI ET VITA-

LIS MARTYRVM RAVENNATVM, VT HABE.

tur primo libro Hieronymi Rubei historiographi doctissimi de gestis Raven- natum.



R A E D I C A N T E Euangelium Dei apud Rauennā: 19. Iulij. res sancto Apollinare, multi Christianam religionem amplexi sunt, in quibus Vrsicinus maximè fuit, natione Ligur, medicus egregius, qui medicinam Rauennæ faciebat, Hic ad Suetonium Paulinum virum consularē, multis Taciti & Plinij laudibus celebrē, Neronis, qui Claudio in imperium successerat, Vicarium, quod Christianus esset, delatus, cum inter pœnas & tormenta Christianum nomen integrum seruasset, pœna tandem capitali dā-

19. Iulij.
S. Vitalis pusillanimum Vrsicinum cōfortat.

natus, cum ad mortem duceretur, non nihil commoueri, animumq; demittere, visus est. Quapropter Vitalis Mediolanensis, qui erat ex Paulini familia, eiusq; prætorianus miles, Christi tamen assēcla, & apud Paulinum pro Vrsicino dixerat, conspiciatus metum hominis, coepit horrari, nē qui in sanandis aliorum corporibus tam strenuè insudasset, propriæ animæ salutem, quæ longè antecelleret corpori, parui duceret: mente recurreret ad cogitationem iucundissimam numinis diuini: sic futurū, vti ea calamitas, in sanctissima suauissimaq; illius memoria conquesceret.

Huiusmodi verbis magis animatus Vrsicinus, ad Palmam (qui locus, seu quod ibi palma arbor olim fuisset, seu quod à victoriæ palma, ex religionis Christianæ hostibus adepra, ita dicebatur) promptè alacriterq; accedit, ac intrepidè mortem subiens, ad decimumtertium Calendas Quintiles obruncatus, euolauit in cœlum. Statim autem perindè ac viueret, cadauer sanctum sese ex humo erexisse, caputq; ambabus manibus apprehensum, ad locum vbi ad sepulturam dandum erat, attulisse, à plerisque memoriæ proditum est: aliqui etiam addunt ex eius collo tres palmæ ramos enatos: cuius admirabilis rei memoria cum plenè interisset, diuo Vrsicino Rauennatum Archiepiscopo, ad eius martyris sepulcrum oranti, Vrsicinum hunc martyrem, caput manibus gestantem, tribus ex collo palmæ ramis prodeuntibus sese ostendisse: quam obrēm ab eo die iussisse Archiepiscopum sanctum, quo perpetuò memoria seruaretur, eius imaginem hoc modo pingi: quod & ad hanc diem cernitur.

S. Vrsicin⁹ obruncatur.
Miracula ad eius sepulcrum.

Aliquorum est etiam sententia, Vrsicinum hunc quinto Calendarum Maij capite abscissum, diemq; tertiumdecimum Calendarum Quintilis eam esse, quo è diui Vitalis templo, vbi diu iacuerat, ad D. Iohannis Baptistæ ecclesiam, multos post annos translatus est. Nam postridiè eius diei Vitalis, sanctum cadatier, summa veneratione, ipsa in vrbe sepulturæ tradidit: maioremq; deinceps Dei amorè animo concipiēs, mortalia & caduca, ipsumq; Paulinum dominum, deserit, nulli rei, extra caelestem patriam, inhians. Quapropter cum à Paulino accitus, accedere recusasset, iratus Paulinus, præsertim cum illum & Christianum iam esse, & quò minus Vrsicinus dijs sacrificasset, fecisse cognouisset, in carceres Vitalem iubet contrudi, tormentis exquisitis subijci, & in eculeo poni: quæ cum omnia patienter fortiterq; tulisset, ad Palmam ductus, cum sacrificare dijs renuisset, ipsum-

S. Vitalis carceri intraditur.
In fossam coniectus obruitur.

q; Martis simulacrum contumelia affecisset, Paulini iussu, & sacer- dote Apollinis consulente, in fossam coniectus, in cuius fundo erat aqua, terra & lapidibus obrutus
4. Calend. Maij ad caelestis vitæ præmia migravit.

p BEATI